

Գիվնար, Լագուգետ եւ Ամգիտ, որոնք համանուն դեղերը, ախոռները, մացրաները, եայլաները, բերդերն ու վանքերը ոռոգելով՝ կենդանացնում են դաշտերը: Այս բոլոր առուակները իջնում են Պախամ (Պարխամ), Մեղրբեր, Բեջիգին եւ Հարկեւոր լեռներից, բոլորն էլ հարաւից—հիւսիս ուղղուած:

Կիսկիմի շրջանում Ճորոխի երկու ափերի լեռներն էլ անտառապատ են, ունին խիտ եւ բարձր ծառեր—դերաններ: Այս հովտում նշանաւոր են Կուդրաչէնի, Նիխախի, Օշնակի, Կիսկիմի, Կալա—Բոյնու (բերդի կերման ճանապարհը) Հարչիչի, Անիի¹ եւ Գորջէքի բերդերը, որոնք կործանուած են ու աւերակ, բայց դրանց կիսաւեր եւ բարձր որմերը, պարիսպերը, դղեակների եւ ասպարանքների մեծութիւնը, անառիկ դիրքերը,

¹ Օշնակ, Կիսկիմ բերդերի մէջ, Ճորոխի աջ ափին, Ճալայից երկու կիլոմետր արեւմտահարաւ գումում են աւերակներ, բերդի եւ տաճարների մնացորդներ, որին բնիկները Անի-վերան են կանչում: Աւերակները քայքայուած են, Ճորոխի ափերը ծեծկել են որմերը: Որ Հայաստանում Անիներ չառ կան, Անի լճի հիւս. ափերից ոչ շատ հեռու «Անինանցաւ» Ուրմիա լճի հիւս. ափում «Անիանբար», Կասպից լճի արեւելեան կողմը Կուր-Արաքսի խառնուներին մօտ «Հանի», Երզնկայի մօտ «Անի-բերդ», Կարող էր Ճորոխի Աւազանուսն էլ մի «Անի» լինել. ինչպէս Կարս-Կարսիք եւ հայկական այլ քաղաքների անուններ: 1895—1915 թթ. Ռուս. զինուոր. Վարչ. Կովկասի հրատարակած քարտեզների մէջ չկայ. իսկ 1870—1872 թթ. քարտեզներում կայ այս Անիի անունը: Անիի անունը նոյնպէս յիշեցնում է Ակհատեան Գուրբիլ ու քաղաքի Անու (Երկնից) դէպ անունով նուիրական տաճարը: